


齊河縣鄉土志

40.167
539
1

齊河縣地輿圖



歷史

本境建置年代

齊河縣本宋禹城縣之耿濟鎮金大定八年升鎮為縣

未置本境以前

唐虞夏商

兗州之域 禹貢濟河惟兗州齊河為兗州東南境四代均隸於

兗 舊縣志作青
州城今正

周

祝國 武王克商封黃帝之後於祝

春秋

齊轅邑

當有古祝國地
齊祝阿邑地

周平王十三年齊人滅祝春秋哀公十年

晉趙鞅伐齊取犁及轅杜注祝阿西有轅城疑祝滅後改為轅

按轅即漢之瑗縣故城在西北二十五里今晏城是寰宇記以

為晏嬰城殊無依據蓋晏即瑗之轉音也

東漢

瑗縣 屬青州平原郡又祝阿縣地高唐縣地水經注漯水逕瑗

縣故城西又逕高唐縣故城東是瑗縣之西即高唐之東也高

唐故城在縣西北六十里晏城在其東

龍頌縣 屬青州平原郡寰宇記龍頌縣故城在廢禹城東南二

十五里或曰今治即其故城址考續通典稱高唐故城在廢禹



城西四十里是龍頌城在高唐故城東南六十許里與今治至高唐故城方向里數皆合

後漢魏晉劉宋

祝阿縣地高唐縣地

後魏齊周

祝阿縣 屬齊州太原郡魏徙祝阿來治齊因之周徙治龍頌故

城尋還後魏故治

隋

祝阿縣 仍屬齊州

唐

源陽縣 武德初年置按縣以在源水之陽得名源即深水水北

為陽深水在禹城南五十里今有故道通志疑縣西北五十里

倫鎮本宋安仁鎮為源陽縣近是貞觀元年省入祝阿天寶元年改

祝阿為禹城乾元初徙治遷善村即今禹城唐元和十年以前縣境當有豐齊縣地以五

代宋因之

宋

置耿濟鎮仍屬禹城

金

齊河縣 屬山東東路濟南府齊志齊河本宋之耿濟鎮金劉豫家於此僭位後置縣城之

既置本境以後

元

齊河縣 至元三年屬直隸都省山東德州

明

齊河縣 屬山東布政司濟南府

國朝

齊河縣 仍屬山東濟南府

政績錄

興利

金

劉信 大定戊子由臺省出知縣事勤以蒞事信以使民訪諸耆舊修舉廢墜首築城垣數旬告成其他政務亦悉有矩度云

元

高源 直隸饒陽縣人至元間知縣事廉靜寡欲蒞事明暢民懷其德刻石以紀政蹟

文殊奴 至元間任邑縣丞廉靜寬平民心悅服捐俸修葺聖廟廊序尤有功於學校

四

明

王得成 洪武三年知縣事修城池興學校廉靜有守不為矯激之行

孟僎 直隸玉田縣人歲貢生永樂間知縣事持已儉約平易近人民有犯者多勸諭之不忍鞭笞暇則徧歷境內諭疾苦勸農桑視民如子民亦愛如父母涖任三十三年人稱循吏第一卒於官人名宦

周淳 湖廣蒲圻縣人萬曆間委署縣篆歲值饑饉設方賑濟民賴以生未幾陞任去民立祠祀之楹聯云一腔介氣冰壺冷五月恩波濟水長人以為實錄

國朝

許相國 字虞臣奉天開原人康熙三十八年署邑篆嚴盜賊革倉費捐俸設義學准民以錢完糧施舍棺木去後民立碑大清橋以誌不忘
去害

明

張安豫 江南華亭縣人崇禎間知縣事歲饑多盜公甫蒞任即給牛種蠲荒稅募民兵以緝盜勦撫並行境內賴以乂安又修理城垣甃砌以磚不勞而功集

國朝

五

國朝

王體用 字志中山西高平縣人廕生順治十年授邑令時值黃河決金龍口邑淹沒殆盡顆粒無獲秋稅檄迫公曰民室懸磬敲髓安忍遂自捐數百金代完田賦民懷其德立去思碑

張永庚 字斗樞遼東人康熙元年以貢士授邑令風節矯然不避權貴出令無反判斷無留於正賦外除一切雜役上有文移故刻為給辦坐催守提之勞無煩焉尤重恤驛傳不以絲毫累民凡有大差悉自為供應以清需索折乾之弊由是驛困得蘇從無省費如當日者

鄭天樞 滿洲鑲藍旗人康熙三十九年由監生令是邑愛民重

士越四載六月大水公詣鄉親查見被淹者待哺嗷嗷詳請停徵時有强行借糧者立拘重處邑賴以安越年奉旨賑饑皆公力也後歿於官士庶悲之

梁纘素 山西永甯州人康熙四十七年由歲貢令是邑歲饑煮粥為賑官廩不給自捐金以千計邑有趙家秦家及王龍三口長禹之民遇水長輒盜決之以齊為壑公曰既有河道不順河歸海而汙萊我民田疇乎力爭於憲罪決堤者遂建橋於趙家道口勒石為禁民咸賴之

聽訟

金

六

楊潤之 直隸香河人大定壬寅以明律令中乙科壬子任邑簿長於吏治事雖繁難庭無滯訟邑無冤聲民懷其德立石誦之

明

許謙 湖廣江夏縣舉人知縣事純慤慈詳誠心愛物聽訟能盡民情催科不用鞭笞任滿南歸囊無餘物冰蘖之操至今稱道弗衰祀名宦

霍惟準 山西泌水縣舉人萬曆間令是邑蒞政明敏聽斷得情兩造各無冤抑民咸以神君稱焉

國朝

李濟仁 號芳厓江南江都縣人康熙三十年由進士知縣事下

車以來責盡父母凡刑名不用幕賓雖案牘紛紜必熟思審處
各就條理依期迅結有未協則挑燈獨坐一軒期毋苟且而後
即安詳誅讞語俱出已手精確明斷民無不服善政多端即所
存治祝公移一書可見一斑在齊七年以治最行取科道

兵事錄

兵事全在本境者

漢

東漢建武五年張步擾亂青徐耿弇從陽橋渡兵首攻祝阿光阿

謂攻祝阿而發迹者也

山河篇云齊河縣南門非有梁跨水故古廟陽橋遺蹟

又步遣其

將屯祝阿別於太山鐘城列營以待弇按鐘城當在今縣西境

元

劉通字仲達齊河人初從嚴實歸元授齊總管濟南府知府宋將

彭義斌攻齊河圍城三市通令守埤者植梨如榔俄而撤去宋

人懼其向已也大潰義斌僅以數騎免

八

明

正德六年流寇劉六劉七攻齊河破之

事詳耆舊錄劉珂傳

國朝

順治元年馮祥聘以直隸山海衛生員攝篆是邑當改革之初土

寇未撫戎馬倥偬公緩帶輕裘應猝以暇順治三年賦數萬簿

城下公嚴飭守禦寂靜更籌示以莫測乃密遣卒馳會城請援

時

禁旅鎮濟南蓐食啣枚控弦而至賊猝不及防斬首數萬城賴以全

民立祠祀之

邑廩生郭少棠者初以唆訟褫戍豐之季乘檢逆起抗糧為亂

國朝

結公普團眾至數千人挾讐殺掠官患之莫能制也編修徐昌緒時奉督練命誘入營從騎尚百餘以計解散其年秋歷東昌至平原伏法邑令李均勦餘黨楊萬倉徇於市
兵事涉及本境者

同治七年捻匪渡運河東竄自夏初至秋末在武定屬之榆林殲之邑北境遭焚掠者五閱月

耆舊錄

事業

明

朱銳 中成化癸卯鄉試任知州母早卒父玉任曲陽知縣成

化年致仕卒於家銳哀毀骨立葬祭一依古禮廬於墓側朝夕
哭奠日負土於墳三年坑深丈餘知縣趙清為之立石題曰朱

孝塘

趙維魚 少孤貧篤孝力行事母菽水承歡曲盡愛敬比母歿哀
毀不食幾至傷生負土築墳高如邱陵人稱純孝焉舉戊午鄉
試第三人登甲戌進士授河南儀封知縣未之任卒於家

十

孟養性 邑侯孟公僕曾孫叙州檢校宗儒之子嘉靖戊戌進士累
官河南巡撫副都御史為人剛方嚴毅儀度整肅與人則坦衷
和氣藹若春溫筮仕德清內擢鳩曹臬憲河東藩屏隴右所至
敬厯有聲口碑載道及退歸林泉潔然介守竿牘不通多村居
不入城市鄉黨中雖至貧賤者偶遇必相揖與語表表令範至
今奉為楷模云

趙亮采 成化甲辰進士厯任長蘆運使幼以孝聞母卒水不入
口者三日自期以至大祥悉遵禮制父瀛卒廬於墓側每旦夕
慈烏數十翔集又桃李重花人咸以為至孝所感

尹綸 嘉靖戊戌進士厯任山西按察司兵備副使居鄉接引

後進指授講解窮日畧無倦色學宮傾圮獨捐千金葺之有提學副使袁洪愈紀其事

房守士 字備吾少孤貧生而穎異氣宇魁梧豁達多大 識者已早卜為國家柱石列諸生時攻苦下帷凡左國諸史以及綱鑑子書靡不成誦偶談往事即指畫如列眉母故廬墓三年閭邑欲公舉其孝公曰此人子事耳惡用以賈名也人愈重之學行兼優一時無二後以應選入成均隆慶癸卯薦北畿亞魁登萬曆丁丑進士歷任大同巡撫兵部右侍郎孫承宗史可法兩公為作傳述其事最詳

王宮臻 崇禎戊辰進士歷任嘉興府知府陞陝西西寧道按察

司副使為人存心祥和砥躬貞潔初授江南崇明令值歲饑力請免賦捐俸倡賑民賴全活者億萬計去後百姓立碑鄉城建二祠祀之繼陞戶曹丙子陞守太原旋以憂歸己卯補嘉禾郡時饑疫游疊公設法平糶煮粥哺饑兼署湖篆竭蹶道途煩苦艱辛兩地各頌神明屬邑紳士以至庶人皆有詩歌實錄勒石以垂永久癸未陞山西道以病告歸里

郝天相 字吉臺為諸生時有文明家法醇謹不輕是非人物至人有急難空乏望門投止則解衣推食若將不及即家無長物常假貸與之母張氏亦樂善好施人皆稱為郝佛家云

張廷謨 字牖宸萬曆乙卯舉人於廉好禮剛直無私與人游絕

不媿阿居恒檢身亦不肯一毫踰禮法外嘗有稱公者云心術如一片冰壺纖塵不染立品似千尋峭壁邪徑難攀咸傳以為實錄焉

國朝

王隆熙 字甦承拔貢知湖廣興山縣諭土苗悉就撫遷淮安府同知領河務築修木石堤無不堅民田沒於河力除其賦陞山西汾州府知府聽斷不踰期有訟者曰官司事但裹蒸餅供一飽足矣安用持錢為

聖祖仁皇帝巡幸五臺賜以

宸翰公念母春秋高遂賦歸來築環青園別業賦詩飲酒徜徉以老

馬

徐紹先 康熙乙卯舉人居家孝友處眾雍和初任泗水縣教諭盡心訓課陞浙江平陽縣知縣每修戰船民不勝累公請併令營伍分任民力得舒調廣西修仁縣知縣革除陋規積勞成瘁以病告歸怡情三徑絕迹城府

趙瑞晉 允振子也康熙甲戌進士授粵西羅城令建明倫堂及名宦祠以培風教補志書抑強豪在羅五年政治稱最奉文行取未進京歸家而卒羅人立碑至今思之

潘明祚 康熙丙子丁丑聯捷進士任廣西梧州府藤縣幼年喪父事孀母恪共子職舌耕所得束脯盡以供母於前母之兄及

幼弟備極姪友愛在藤五年革除弊陋淡泊自甘卒於任百姓莫不流涕公請入廣西名宦立碑衙前以誌不忘云

馬紹堯 字聖思歲貢生乾隆間於大清橋西獨力接建九空邑令陳良士旌其門曰功高利涉長清令朱懋德旌曰心存利濟子可繼貢生戶部河南司員外郎雲南澂江曲靖府知府別歷中外均有政聲豫千叟宴

高宗純皇帝南巡過齊賜以

宸翰

馬見龍 字在田任湖北安陸縣察冤枉抑豪猾藉藉有循良聲值大水城不沒者三板百姓攀木號呼公捐俸拯救夫人典釵

十三

助活人以千計後補湖南華容縣地係古蠻惑於風水者多以此構訟有大姓之獄控卷山積歷數官不能決公細核所呈家譜並前卷供詞於無意中得要領一訊俱伏一時號為神君調巴陵有無賴窘於博誘其妻鬻之旋為所戕事發擬抵太守弗聽公謂詐而賣之夫婦之誼已絕殺人者死南山可移此案不可動太守竟不能奪是時湘撫劉石菴性方嚴惡貪殘吏每行部民不得志於官府者輒紛紛訴抵巴陵農耕賈販士弦歌若不知中丞過者劉公歎賞久之乃去再署石門縣以卓異陞山西蒲州司馬未抵任以憂歸服闋起為廣平司馬職河捕簿事下車嚴緝奸盜悉聞風遁時滄水漂沒廬舍三閱月漲如故公泣禱

河神明日有大木流來橫堵河口始合龍因即是木建廟其上公昆弟四人行居仲承叔父嗣析產時公應得家之半公四分取一獨擅孝友稱晚憇別墅花鳥自娛精岐黃病者踵門嘗有一丐負疽至公留養側舍醫痊始令去其忠厚待人類如此

張聲聞 字雲皋邑庠生性慷慨遇有義舉任事具兼人之勇邑中創立督揚書院自道光十三年始嗣南匪北擾當行閉歇發當生息之款苦無歸宿聲聞議設錢局官督紳辦畧仿當店規則憑物質錢藉充經費邑衿韓芳晨趙還珠等與其弟大進分路勸捐師生齋舍修葺一新計自道光十三年至咸豐八年聲聞任勞任怨始終其事書院規模大備生平急人之急拯危濟

困不避嫌怨而倡修督揚書院與董築趙牛河二事尤關生人利病云

張靈芝 字秀三邑恩貢生性端慤制行純備平生無疾言遽色人與之遊久而自化世以比司馬君實與弟瑞相友愛易衣聯床終其身不分爨子一姪四遺言身後析產必五分相準不可令吾子獨厚鄉居恂恂與人言若恐傷而總角即不好嬉戲事人不敢干以私和而實介也耽著述丹鉛不去手五經四子書皆著說常州徐壽基宰禹城聞之徵其書擇書說易說為刻之惜壽基不久即南歸未還其稿經說遂缺其二

徐永謙 孝子徐密修嗣子性孝友能安貧與本支兩兄析爨讓

佳宅不取世高其義永謙子化龍年十二失恃又失怙事繼母如生母事長兄若嚴父白髮怡怡猶若童年論者謂孝子悌弟出於一門皆密修純孝之貽

學問

明

郝焜 字木伯崇禎己卯舉人著有甌香館詩集文集弟綱丁
丑進士任兵科給事中詩文集亦名甌香館

王宮臻 著有文豹一斑女四書簡明等韻海游詩草集

國朝

張冠 字如命康熙癸酉歲貢生著有律呂圖說等韻集成

十五

張介正 字海生冠之次子康熙甲子副貢著有家訓同然錄自得亭詩草採入山左續詩鈔

郝甯愚 字希柴乾隆甲子舉人著有四書說五經便覽

郝允哲 字聖陪乾隆乙未進士著有鏡亭山人詩集文集子答有愛吾廬詩集女簪有秋岩詩集

郝允秀 字水村允哲之弟廩貢生著有水竹居詩集廣齊音名泉志遊名勝胥鈔濟南名士詩鈔

馬見龍 任安陸縣時著有課農瑣言

附名宦祠